

Na osnovu člana 98. Zakona o visokom obrazovanju (prečišćeni tekst) („Službene novine Tuzlanskog kantona“, broj: 21/21- prečišćeni tekst, 22/21- autentično tumačenje i 5/22), člana 52. stav 1) tačka n) Statuta Univerziteta u Tuzli, Odluke Senata Univerziteta u Tuzli o broju studenata za upis u prvu godinu prvog i integriranog prvog i drugog ciklusa studija, te drugog i trećeg ciklusa studija na fakultete/Akademiju Univerziteta u Tuzli u akademskoj 2022/23. godini broj: 03-3241-1-3/22 od 17. 06. 2022. godine, Odluke o raspisivanju konkursa za upis studenata na drugi ciklus studija na fakultete/Akademiju Univerziteta u Tuzli u akademskoj 2022/23. godini broj: 03-3241-1-3.2/22 od 17. 06. 2022. godine, Odluke Upravnog odbora Univerziteta u Tuzli o iznosu participacije i školarine u troškovima sva tri ciklusa studija na fakultetima/Akademiji Univerziteta u Tuzli u akademskoj 2022/23. godini broj: 04-3305-1-1/22 od 15. 06. 2022. godine, a uz prethodnu saglasnost Vlade Tuzlanskog kantona broj: 02/ 1-34-13179/22 od 14. 06. 2022. godine i broj: 02/1-34-13181/22 od 14. 06. 2022. godine, raspisuje

K O N K U R S
ZA UPIS STUDENATA NA DRUGI CIKLUS STUDIJA
NA FAKULTETE/AKADEMIJU UNIVERZITETA U TUZLI U AKADEMSKOJ
2022/23. GODINI

Član 1.

U prvu godinu drugog ciklusa studija u akademskoj 2022/23. godini na studijske programe fakulteta/Akademije Univerziteta u Tuzli upisat će se sljedeći broj studenata, *u statusu studenata koji se sami finansiraju*:

Red. broj	Naziv fakulteta/Akademije Studijski program/Usmjerenje	minimalno	maksimalno
1.	Akademija dramskih umjetnosti	7	10
	• Gluma	7	10
2.	Edukacijsko-rehabilitacijski fakultet	42	180
	• Poremećaji u ponašanju	7	30
	• Logopedija	7	30
	• Audiologija	7	30
	• Specijalna edukacija i rehabilitacija		
	- Intelektualne teškoće	7	30
	- Motorički poremećaji i hronične bolesti	7	30
	- Oštećenja vida	7	30
3.	Ekonomski fakultet	49	140
	• Ekonomija		
	- Makroekonomski menadžment	7	20
	- Menadžment	7	20
	- Marketing	7	20
	- Finansije, bankarstvo i osiguranje	7	20
	- Računovodstvo i revizija	7	20
	• Poslovna ekonomija*	7	20
	• Menadžment u turizmu	7	20
4.	Fakultet elektrotehnike	7	100
	Elektrotehnika i računarstvo*	7	100

5.	Fakultet za tjelesni odgoj i sport	7	15
	• Tjelesni odgoj i sport	7	15
6.	Filozofski fakultet	77	165
	• Metodika nastave bosanskog jezika i književnosti	7	15
	• Bosanskohercegovačka književnost u književno-historijskom kontekstu	7	15
	• Metodika nastave njemačkog jezika	7	15
	• Lingvistika njemačkog jezika	7	15
	• Historija Bosne i Hercegovine	7	15
	• Predškolski odgoj i obrazovanje	7	15
	• Razredna nastava	7	15
	• Angloamerički književni studij	7	15
	• Turska književnost	7	15
	• Žurnalistika	7	15
	• Socijalni rad	7	15
7.	Mašinski fakultet	35	75
	• Energetika i termo-fluidni inženjering		
	- Održiva energija i okolina	7	15
	- Termoenergetika	7	15
	• Proizvodno mašinstvo		
	- Proizvodne tehnologije	7	15
	- Industrijski inženjering	7	15
	• Mehatronika	7	15
8.	Medicinski fakultet	35	50
	• Odsjek zdravstvenih studija		
	- Studij sestrinstva	7	10
	- Studij fizioterapije	7	10
	- Studij medicinsko-laboratorijske dijagnostike	7	10
	- Studij radiološke tehnologije	7	10
	- Studij sanitarnog zdravstva	7	10
9.	Pravni fakultet	28	28
	- Građansko pravo	7	7
	- Komparativno pravo i komparativno pravna historija	7	7
	- Upravno pravo	7	7
	- Krivično pravo	7	7
10.	Prirodno-matematički fakultet	70	300
	• Primijenjena matematika	7	30
	• Edukacija u matematici	7	30
	• Primijenjena fizika	7	30
	• Edukacija u fizici	7	30
	• Geografija*	7	30
	• Primijenjena biologija *	7	30
	• Edukacija u biologiji	7	30
	• Primijenjena hemija	7	30
	• Edukacija u hemiji	7	30
	• Ekomonitoring i bioindikacija voda	7	30
11.	Rudarsko-geološko-građevinski fakultet	42	75
	• Rudarstvo*	7	15
	• Geologija	7	15
	• Građevinarstvo *	7	15

	• Bušotinska eksploatacija mineralnih sirovina	7	10
	• Sigurnost i pomoć	7	10
	• Sigurnost i pomoć -Upravljanje rizicima od katastrofalnih događaja i protivpožarni inženjering	7	10
12.	Tehnološki fakultet	28	70
	• Hemijsko inženjerstvo i tehnologija*	7	20
	• Prehrambena tehnologija*	7	25
	• Inženjerstvo zaštite okoline*	7	10
	• Agronomija*	7	15
	UKUPNO:	427	1208

* Na studijskom programu upisani studenti imaju mogućnost odabira usmjerenja u skladu sa studijskim programom.

Uslovi upisa na studijski program

Član 2.

Pravo upisa na studijske programe drugog ciklusa studija imaju kandidati državljani BiH, strani državljani i lica bez državljanstva, koji su na akreditovanoj visokoškolskoj ustanovi završili **odgovarajući** dodiplomski studij/studij prvog ciklusa u trajanju od četiri godine sa ostvarenih 240 ECTS bodova, odnosno kandidati koji su završili prvi ciklus studija u trajanju od tri godine, sa ostvarenih 180 ECTS bodova za upis na dvogodišnji master studij na studijskim programima Poslovna ekonomija i Menadžment u turizmu na Ekonomskom fakultetu.

Član 3.

Prijava na konkurs podnosi se u roku od 20. 06. do 30. 09. 2022. godine.

Privremena rang-lista kandidata objavit će se 03. 10. 2022. godine.

Konačna rang-lista objavit će se 07. 10. 2022. godine.

Upis primljenih kandidata obaviti će se od 10. 10. do 14. 10. 2022. godine.

Član 4.

Uz prijavu na Konkurs, na propisanom obrascu, kandidat prilaže:

- Original ili kopiju diplome o završenom odgovarajućem dodiplomskom studiju/studiju prvog ciklusa ili uvjerenje o završenom studiju u slučaju da visokoškolska ustanova još nije izdala diplomu, ovjerenu kod nadležnog općinskog organa ili notara;
- Uvjerenje visokoškolske ustanove o dužini trajanja dodiplomskog studija, odnosno dodatak diplomi (za lica koja su završila prvi ciklus studija po Bolonjskom sistemu studiranja),
- Uvjerenje o uspjehu na dodiplomskom studiju (za lica koja su završila studij po ranijem sistemu studiranja),
- Izvod iz matične knjige rođenih
- Uvjerenje o državljanstvu, ne starije od 6 mjeseci.

Obrazac prijave na Konkurs može se preuzeti na web stranici Univerziteta www.unitz.ba

Lica koja su diplomu stekla u inostranstvu, u obavezi su uz prijavu na Konkurs priložiti i potvrdu Univerziteta u Tuzli da su podnijeli zahtjev za akademsko priznavanje inostrane diplome u svrhu nastavka obrazovanja na Univerzitetu u Tuzli, koju izdaje Ured za međuuniverzitetsku saradnju u zemlji i inostranstvu Univerziteta.

Obrazac Zahtjeva za priznavanje inostrane isprave na Univerzitetu u Tuzli može se preuzeti na web stranici www.unitz.ba

Rangiranje i upis kandidata

Član 5.

Rangiranje kandidata vrši komisija koju imenuje dekan fakulteta/Akademije, na osnovu ukupne prosječne ocjene koju je kandidat ostvario na dodiplomskom/prvom ciklusu studija, zaokružene na dvije decimale, redoslijedom od najveće ostvarene prosječne ocjene, do odobrenog broja za upis.

Privremena rang-lista kandidata objavljuje se na oglasnoj ploči i web stranici fakulteta/Akademije.

Na objavljenu privremenu rang-listu kandidati mogu izjaviti žalbu naučno-nastavnom/umjetničko-nastavnom vijeću fakulteta/Akademije, koja se podnosi putem studentske službe fakulteta/Akademije, u roku od 3 (tri) dana računajući od narednog dana od dana objavljivanja privremene rang-liste.

Konačnu Odluku po žalbi donosi naučno-nastavno/umjetničko-nastavno vijeće fakulteta/Akademije, nakon čega utvrđuje konačnu rang-listu, koju objavljuje na oglasnoj ploči i web stranici fakulteta/Akademije, sa naznakom kandidata koji su ostvarili pravo na upis.

Upis kandidata vrši se na osnovu konačne rang-liste.

Primljeni kandidati pri upisu prilažu :

- Popunjen upisni materijal: prijavni list, upisni list, semestralni list i upisnicu indeks, te dvije kolor fotografije formata za indeks,
- Ljekarsko uvjerenje (osim za upis na Akademiju dramskih umjetnosti (studijski program Gluma) i Fakultet za tjelesni odgoj i sport kojeg su kandidati priložili uz prijavu),
- Dokaz o uplati školarine u troškovima studija.

Član 6.

Kandidati (državljeni BiH, strani državljani i lica bez državljanstva) koji ostvare pravo upisa na drugi ciklus studija plaćaju školarinu u visini utvrđenoj Odlukom Upravnog odbora Univerziteta u Tuzli broj: 04-3305-1-1/22 od 15. 06. 2022. godine (možete pronaći na www.unitz.ba) na koju je Vlada Tuzlanskog kantona dala prethodnu saglasnost broj: 02/1-34-13181/22 od 14. 06. 2022. godine.

Član 7.

Upisani kandidati zaključuju sa Univerzitetom ugovor o studiranju.

Po uspješnom završetku drugog ciklusa studija stiče se **diploma magistra** u skladu sa Spiskom akademskih titula, naučnih i stručnih zvanja koja se mogu sticati na visokoškolskim ustanovama u Tuzlanskom kantonu („Službene novine TK“, broj: 17/20).

Član 8.

Prijave na konkurs sa potrebnom dokumentacijom podnose se do **30. 09. 2022. godine**, putem studentske službe fakulteta/Akademije ili preporučeno putem pošte, na adresu fakulteta/Akademije, sa naznakom „**Prijava na Konkurs za upis na drugi ciklus studija**“.

Neblagovremene i nepotpune prijave neće se uzeti u razmatranje.

Obrazac prijave na Konkurs može se preuzeti na web stranici Univerziteta www.unitz.ba ili u Skriptarnicama Univerziteta na Tehnološkom i Filozofskom fakultetu u kojoj kandidat mora naznačiti fakultet/Akademiju kao i studijski program na koji se želi upisati.

Član 9.

Sve potrebne informacije mogu se dobiti na web stranici fakulteta/Akademije, kao i na kontakt telefon studentske službe fakulteta/Akademije.